

Aseyti n ulaymu amezwaru

1. D acu i tzmred ad d-tiniɗ yef tayunin yellan deg tfelwit-a deg wayen yerzan talɣa d unamek?

	Ssegzi-d
<i>ifsus/nnefsusi</i>	<i>ifsus</i> + <i>nn-</i> = <i>nnefsusi</i> : assay n talɣa. Deg kra n tmeslayin, am tmeslayt n Ssaɥel n Bgayet, tameslayt n At Mengellat, <i>nnefsusi</i> icudd yer umyag <i>fsi</i> . Maca, deg tmaheyt (Foucauld, 1951: 367), <i>nefses</i> (être allégé)
<i>fser/ttwafser</i> ,	<i>fser</i> + <i>ttwa-</i> = <i>ttwafser</i> : assay n talɣa. <i>fser</i> d amyang aherfi, <i>ttwafser</i> , d asuddim attway
<i>mmager/myagar</i> ,	<i>mmager</i> + <i>my</i> = <i>myagar</i> : assay n talɣa. Maca, lemmer d tidet <i>myagar</i> d asuddim amyaɣ seg <i>mmager</i> tili nessawal <i>myemmager</i> . Ihi nezmer ad d-nini dakken amyang <i>mmager</i> ula d netta d asuddim attway <i>mm-+ger(?)</i> . Nenna-d aya acku ticredt n umyaɣ ur tezmir ad ternu yef tecredt n uttway: <i>ečč>mmečč>myečč</i> maca <i>*myemmečč</i>
<i>agar/msagar</i> ,	<i>agar</i> + <i>ss-</i> = <i>ssiger</i> + <i>m-</i> = <i>msagar</i> : assay n talɣa
<i>[uccən]</i> « <i>ayersiw n teɣgi</i> , <i>yettkanzin s aqjun</i> , <i>yettetten aksum</i> , ... / <i>[uccən]</i>	Da nesɛa yiwen n wawal (asɣal n tutlayt UCCEN) i yesɛan sin n yinumak, inumak-nni yella wassay gar-asen. Anamek-nni wis sin

« <i>amdan i yessexdamen yir tiherci yer wiyad</i> »	d asemcabi n umdan i yessexdamen tiherci, tihila am wuccen: tagetnamka
<i>ggri/ssegri/aseggri</i>	<i>ggri</i> + <i>ss-</i> = <i>ssegri</i> > <i>aseggri</i> (<i>ayen s i nesseggray ućči</i>) : assay n talya
<i>freh/ssefreh/msefraḥ,</i>	<i>freḥ</i> + <i>ss-</i> = <i>ssefreḥ</i> + <i>m-</i> = <i>msefraḥ</i> : assay n talya
<i>fres/fred/fren/freq/freḥ/frey(fri)/frew (fru)</i>	Semmus-a n yimyagen ttemcabin deg talya akked unamek: sean akk talya <i>RRəR</i> akked tekti tamenzut n «kkes tallest ¹ ». Ihi nezmer ad ten-nger deg yiwen n yiger asnalɣamkan
<i>[axerfi]</i> « <i>i d-yettewwan deg lexrif</i> »/ <i>[axerfi]</i> « <i>n yizimer</i> »	Da nesəa sin n wawalen (asyalen n tutlayt AXERFI 1/AXERFI 2), yella gar-asen umcabi n talya maca ur yelli wassay gar yinumak-nsen: taynisemt
<i>qleb/nneqlab/ttwaqleb</i>	Da, tezmer ad tili tezrawt n talya <i>qleb</i> + <i>nn</i> ⁻² = <i>nneqlab/qleb</i> + <i>ttwa</i> ⁻³ = <i>ttwaqleb</i> , maca tezmer dayen ad tili tezrawt n unamek gar <i>nneqlab</i> d <i>ttwaqleb</i> acku deg sin-a n yimyagen tebbin-a tyawsa-nni amzun akken yella wit t-iqelben maca ulac-it deg tmenna.

¹ (Séparer, rendre clair)

² (Réfléchi)

³ (Passif)

	Maca, yemxallaf cwiṭ unamek n <i>nneqlab</i> yef unamek n <i>ttwaqleb</i>. Deg umezwaru, ulac wi ixedmen tigawt maḍi, <i>tenneqlab iman-is</i>, ma deg wis sin, yella wi ixedmen tigawt maca neffer-it <i>tettwaqleb</i> <i>“yella wi tt-iqelben maca ur t-id-nettadder ara”</i>
--	--

2. D acu i d amgired yellan deg talɣa gar: *icc n tayaṭ* « *ššenf n yifelfel aqerḥan* », *asyersif (aune/aulne)*, *sselmed*, *lmed*, *asyar*, *asif*, *icc*, *tayaṭ*.

Da, nezmer ad d-nini llan/yella:

- Awal en iherfiyen: ur nezmir ad ten-nebdu *lmed*, *asyar*, *asif*, *icc*, *tayaṭ* → nessawal-as *isem (amyag) aherfi*
- Awal yesɛan talɣa *isem+n+isem*, am *icc n tayaṭ* i d-yettaken yiwen kan unamek → nessawal-as *isem uddis arummid*
- Awal yesɛan talɣa *isemisem*, am *asyersif* : *asyar+asif* → nessawal-as *isem uddis ummid*
- Awal yesɛan talɣa *s+amyag*, am *sselmed* : *ss+ lmed* → nessawal-as *amyag asuddim*

3. D acu i d amgired yellan gar talɣiwin yuran s uzuran: ***icc n tayaṭ*** « *ššenf n yifelfel aqerḥan* » / ***icc n tayaṭ***-nni *taberkant*, *yerrez*

Deg *icc n tayaṭ* amezwaru ur nezmir ad as-nernu arbib i *tayaṭ* am waken yella lḥal deg *icc n tayaṭ* wis sin. Amezwaru yettwaḥsab d yiwen n wawal, d yiwet n tayunt n umawal, ma d wis sin deg-s krad n wawalen yal wa s unamek-is. Amezwaru, netta, ur yelli deg-s yiyes-nni tettawi tayaṭ yef uqerruy-is, ur yelli deg-s uyersiwnni i wimi semman deg teqbaylit *tayaṭ*.

